

EDINEN IKPE ABASI
Ñwed Mbon Rome 1: 18-25, 28-32; 2: 1-16.
QYQHỌ UKPEP-ÑKPQ381
Eke Mkparawa

IKQ IBUOT: “Koro Abasi miteñeke owo enyin” (Ñwed Mbon Rome 2: 11).

Unana Ndudue Me Ndudue

Nte akananam ọmọbọ ufen ke ini munyeneke ndudue? Ndusuk ke ufọk-ñwed, afo amabiat mbet emi afo mukọfiokke ete ke odu, ndusuk ete ye eka fo esua enọ fi ke ñkpọ emi eyen eka fo añwan me eren akanamde. Ndusuk ini esinam mmọ emi miduehe ekabare ebọ ufen; edi ediwak ini, ke ini owo ọbọde ufen edi koro enye ama anam-idiok. Nditọ iren ye iban emi ema ekesim isua emi efiokde eti ye idiok ikemeke ndidọhọ ete, “Ami nsifiokke ini emi nnamde ndudue.”

Ñwed Abasi ekpep nnyin ete tọñọ ke eritọñọ ererimbot, owo ama ọdiọñọ ete ke imọ imanam idiok-ñkpọ. Ke ini Adam ye Eve ekediade mfri emi ekekpande mmọ ke iñwan Eden, mmọ ema efiok ete ke mmimọ ima idue, okposuk edi nte mmọ ekedomode ndinọ mfaña ke nsọñ-ibuot mmọ. Eve ọkọdọhọ, “Urukikọt akabiaña mi” (Genesis 3: 13). Adam ọkọdọhọ, “Ñwan emi afo ọkọdọde ete odu ye ami, enye ọkọdọ mi mfri eto oro, ami nyuñ ndia. ”Edi nso ke Abasi ọkọdọhọ? Enye ọkọdọhọ ete; “kudia ke esit” (Genesis 2: 17).

Uyo Emi Otode Esit

Abasi esin ke idem kpukpru owo ñkpọ emi ekotde uyo isọñ esit. Emi edi kiet ke otu mme usuñ emi Abasi adade etiñ ikọdọ ete, emi enen, emi inenke. Edieke esinde “uyo” emi enye ọsuhọre, ndien nte mme owo esọñde esit mmọ ye Abasi, Enye iwakke nditiñ aba. Edikokoi ññwana ye uduak Abasi enime uyo ke esit. Nnyin inyene ndikpeme eti-eti ndikpañ utọñ nnọ uyo oro.

Nte owo enyene ndifiok ibet duop mbemiso enye ọfiok ete ke inenke ndiyip inọ, me inenke ndisu nsu, me inenke ndisua owo? Tọñọ ke eritọñọ ini, esit owo ekpep owo se inende ye se idiokde. Esit “abiaña” onyuñ “abiara fap” (Jeremiah 17: 9), edi idighe uyo esit, ibọhọke enam enye ọsọñ onyuñ enime oto ke edisin ndikpañ utọñ nnọ uyo Abasi. Idem mmọ emi mifiokke Abasi ke mme idut eke eyomde usuñ enyene ekpri uyo emi obiomde mmọ ikpe ke mmọ enamde idiok-ñkpọ. Baba owo kiet ikemeke ndida ke iso Abasi ke usen ikpe ndọhọ ete imọ ikọfiokke eti ye idiok koro imọ ikenyeneke Ñwed Abasi me koro imọ ikosoboke ye baba asuan-etop Abasi. Ikọ Abasi ekpep nnyin, “Mmọ ekunyene ñkpọ nditiñ nnyaña idem” (Ñwed Mbon Rome 1: 20). Esit mmọ enyuñ etiene erinim-ibet oro edi ntiense mmọ, ekikere mmọ enyuñ eneni ye kiet eken, edori mmọ ikọ midighe etebe mmọ ikpe” (Ñwed Mbon Rome 2: 15).

Nsu-Nsu Ido Ukpono

Paul ama owuk enyin ese mme owo ke eyo esie onyuñ ọdọhọ ete mmọ ese ete mmimọ idi mme ọfiok-ñkpọ, edi ema ekabare edi mme ndisime. Enye ọdọhọ ete ndusuk mmọ etuak ibuot enyuñ enam ñkpọ enọ se ebotdebot ekan andibobot. Mmọ ekpuhọre ubọñ Abasi emi odude uwem ke nsinsi, esin ke mbiet idem owo eke enyenede ndikpa”. Ndusuk nte Paul ewetde ibuot ñwed emi ekikere esie aka edem-edem okosim usen emi enye akadade ke obot Mars onyuñ okut mme owo ke nsu-nsu ido ukpono mmọ. Enye etiñọdọ mbon Athens ete mmọ ekukere ebaña Abasi nte mbiet “gold, mme silver, mme itiat, eke edade usọ ye ekikere owo esọi,” (Utom Mme Apostle 17: 29).

Edi, afo ọdọhọ ete, nnyin iduñ ke Nigeria, idut ntarenyin, nnyin ituakke ibuot inọ mme inuen, me unam, me ọnyoni, me, mbiet-ñkpọ. Nte ededi, enọ ntọt, koro ediwak owo mfin emi ituakke ibuot inọ Abasi. Paul eketiñ abaña mme owo emi ekefiokde Abasi edi inọhọ Enye ubọñ inyuñ ikomke Enye, ke ntre ndisime esit mmọ akabare okim.

Abasi Ọkpọn Mmọ

Nnyin ikot ke ufañ 24 ke Ñwed Mbon Rome 1, ite “Abasi ... ayak ọnọ,” efiak ewet ke ufañ 26: “Abasi ada mmọ ayak ọnọ”, ndien ñko ke ufañ 28: “Abasi ada mmọ ayak ọnọ” Kpeme! Nte ema ekebem iso ewet ke mme ukpep-ñkpọ edem, idiọk-ñkpọ kiet ada ediwak efen edi. Akpa, mmọ ekekpọn Abasi, ndien ke ukperedem Abasi ọkpọn mmọ. Edieke afo okopde inemesit ke idiọk-ñkpọ onyuñ ọfiokde ete edi idiọk-ñkpọ, ndien afo aka iso ke idiọk-ñkpọ ke akpatre Abasi eyekpọn fi. Enye ekeme ndiyak ndisime esit fo okim.

Mme Idiọk-Ñkpọ “Emi Edotde Mkpa”

Ke itoñode ye Ñwed Mbon Rome 1: 29, nnyin ikot anyan udim ndiọi-ñkpọ emi ndusuk etiede nte ikpọ, ndusuk enyuñ etie nte ñkpri. Edi ye Abasi, ñkpri idiọk-ñkpọ iduhe. Ke otu emi odu mme ikpọ ndudue, nte uwot-owo. Edi yak ise mme ñkpọ efen emi edude kpasuk ke otu emi ... “Mme ọsọñ-ibuot ye ete ye eka, ... mme anana esit mbom. “Akpatre ufañ ke ibuot ñwed emi etiñ ọnọ nnyin ete mme andinam oruk ñkpọ emi edot Mkpa.” Mme mbet ke ndusuk idut nnyin enọ owot owo ubiere ikpe mkpa, edi Abasi ebere nsinsi mkpa ọnọ idem owo nsuk uyo, otut-utoñ ye anana esit mbom, ibohoke mmọ ekabare esit.

Eyefon ye nnyin ndikere mbaña “ñkpri” idiọk-ñkpọ emi ke ekpri ini. “Osuk owo uyo” edi enye emi etiñde idiọk abaña owo ke edem man abiat mme edu uwem esie. “Afo esin inua afo ke idiọk, edeme fo onyuñ obot nsu. Afo etie ọdohọ edian eyen-usọ, etiñ ikọ edem adian eyen-uka” (Psalm 50:19, 20). “Owo eke ọtọñode nta emen ikọ obuk, adianare mme ufan” (Mme Ñke 17:9). “Owo ñkeñ-inua adianare mme ufan” (Mme Ñke 16:28). Ekuyak ekut nnyin nte enyenede oruk idiọk-ñkpọ emi. “Owo eke awade uwa ekom eyekpọno mi: ama onyuñ edi owo eke otimde ndinim ido nyewut enye erinyaña eke Abasi anyañade” (Psalm 50:23).

Ke Ukperedem Ini

Kiet ke otu mme idiọk emi owutde ke ukperedem ini emi nnyin idude uwem nte akpatre mme usen edi nsọñ-ibuot ye ete ye eka (2 Ñwed Timothy 3:1, 2). Emi edi kiet ke otu mme ñkpọ emi ebatde ete “odot mkpa” emi ọwọrọde mkpa ukpọn.

Mfin emi mme owo ke ebiat ediwak ini etie ese mme ndedehe edinam ke ekebe ndise. Mkparawa iren ye iban emi ekpekotde Ñwed Abasi mmọ ebiat ini ekot “ndiọi ñwed” Ndusuk mmọ emi enamde ñkpọ emi edi mmọ emi ikọ Abasi etiñde abaña ke ini ọdohode ete; “Ndien sia mmọ esinde ndinyene Abasi ke ifiok mmọ, Abasi ada mmọ ayak ọnọ obukpo esit” (Ñwed Mbon Rome 1:28).

Ikọ emi “obukpo” ọwọrọ “eyak ofuri-ofuri enọ idiọk-ñkpọ”. Abasi ayak mmọ ọnọ. Owo kiet ama ọdohọ, “Afo edi se afo okotde”. Nso ke afo okot?

Usen Ikpe

Abasi iteñeke owo enyin. Usen kiet edinen Ebierikpe “eyebiere ọnọ owo kiet kiet nte ekemde ye mme utom esie”. Idiọk owo “okọ iyaresit onim ọnọ idem ... “ke usen ubierikpe. Edi nsinsi uwem odu, “ubọñ, ukpono, ye emem, edu enọ kpukpru owo eke eyirede ke edinam eti ido”, Nso idi idorenyin fo “ke usen eke Abasi edibierede ndibe ñkpọ owo ke ubok Jesus Christ”? “Edi edieke nnyin ikpọduñorede idem nnyin ise, Abasi ikpekpehe ikpe ye nnyin” (1 Ñwed Corinth 11:31). Edieke afo edide anam-idiok, kudori enyin ete ndusuk emekeme ndinyene “eti titit” ke uwem fo. Afo enyene ndida Ikọ Abasi nduñore uwem fo nnyuñ mfiok ebiet emi afo edibatde nsinsi ini fo.

Ini omuhọ; Jesus ke edi usọp-usọp. Owo ekededi emi enyenede udọñ ndinam Heaven edi ebiet iduñ esie enyene ndiyom Abasi mfin ke ofuri esit. Abasi edi anam akpanikọ, “inyuñ iyomke baba owo kiet

atak, edi oyom kpukpru owo etua mkpofioḡ ekabare esit. Edi usen Qbōñ edibuat nte inḡ, ke okoneyo” (2 Peter 3:9,10).

MME MBUME

1. Siak ke nsuhore-ñkaha, enyiñ mme idiḡk-ñkpḡ duop emi ebatde nte “edot mkpa”.
2. Nso idi ntak emi owo minyeneke se etiñde ndifaña idem emi Abasi edinyimede ete odot enye ndinam idiḡk-ñkpḡ?
3. Nḡ uwut-ñkpḡ ndusuk mmḡ emi ekedomode ndinḡ mfaña ke idiḡk-ñkpḡ mmḡ?
4. Tin se “idiḡk-ñkpḡ” ḡwḡḡde.
5. Nso ufak ke Abasi ḡnḡ ke abaña idiḡk-ñkpḡ?
6. Nso ke efiḡk nte “ekpri uyo esit”?
7. Nso idi ntak emi nnyin inyenede ndikpañ utḡñ kpukpru ini nnḡ uyo oro?
8. Nso ufen ebet mmḡ emi enamde idiḡk?
9. Nso idi utip edinen owo? Nte eyekpe owo ndinyene edinen ido?